

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

漢魏六朝百三家集

晉

第四十一冊

張景陽
劉越石

V. 41-44

新

景

題

集

張景陽集

PL

2494

H38

1879

V.41-44

張孟陽景陽集題詞

晉代文人有二陸三張之稱三張者
孟陽載景陽協季陽亢也季陽才藻
不逮二昆文不甚顯孟陽濛汜司隸
延譽景陽七命舉世稱工安平棣華
名豈虛得然揆其旨趣語亦猶人不

能不遠慚枚叔近魏平原也劔閣一
銘文章典則礪石蜀山古今榮遇景
陽文稍讓兄而詩獨勁出蓋二張齊
驅詩文之間互有長短若論才家庭
則伯難爲兄仲難爲弟矣二子守道
嫉衆貪位高尚之懷每形詩詠時或

疵其玄之尚白及觀二鳳齊傾金谷
並隕華亭上蔡嗟呼歎晚然後知達
人蚤識長謠二疏高歌招隱所以能
自脫于巫山之火也

婁東張溥題

能不遠漸叔叔近姚乎原也鈔問一

五文章與則確畫東聚斷眼榮也景

目照于巫山之太出

八蚤端尋諸二施高耀卧劉西以指

並則華亭上蔡藝和燠郊烈郊味畫

張其文之尚日又雖二鳳齊則金谷

晉張景陽集目錄

賦

洛襖賦

都蔗賦

安石榴賦

玄武館賦

登北却賦

銘

泰阿劍銘

文身刀銘

把刀銘

長鋏銘

短鋏銘

霜陌刀銘

手戟銘

七

七命

詩

詠史

襍詩

其二

其三

其四

其五

其六

其七

其八

其九

其十

雜詩

遊仙

附錄

本傳

張景陽集目錄終

晉張景陽集卷全

晉安平張協著

明太倉張溥閱

賦

洛禊賦

夫何三春之令月、嘉天氣之氤氲、和風穆以布
暢、百卉曄而敷芬、川流清泠以汪濊、原隰蔥翠
以龍鱗、遊魚潏潏於淥波、玄鳥鼓翼於高雲、美
節慶之動物、悅羣生之樂欣、故新服之旣成、將

楔除於水濱，於是搢紳先生，嘯儔命友，携朋接
黨，冠童八九，主希孔孟，賓慕顏柳，臨涯詠吟，濯
足揮手，乃至都人士女，奕奕祁祁，車駕岬岵，克
溢中逵，粉葩翕習，緣阿被湄，振裊生風，接衽成
幃，若夫權戚之家，豪侈之族，采騎齊鑣，華輪方
轂，青蓋雲浮，參差相屬，集乎長洲之浦，曜乎洛
川之曲，遂乃停輿蕙渚，稅駕蘭田，朱幔虹舒，翠
幕蜺連，羅樽列爵，周以長筵，於是布椒醕薦柔
嘉，祈休吉，蠲百疢，漱清源，以滌穢，攬綠藻之

纖柯浮素粧

一作卯

以蔽水灑玄醪於中河

都蔗賦

若乃九秋良期

一作朝

玄酎初出黃華浮觴酣飲

累日挫斯蔗而療渴共漱醴而含密清滋滋於
紫梨流液豐於朱櫛擇蘇妙而不逮何況沙棠
與椰實

安石榴賦

攷草木於方志覽華寔於園疇窮陸產於苞貢
嗟英奇於石榴耀靈葩於三春綴霜滋於九秋

爾乃飛龍啓節、揚颺扇埃、含和澤以滋生、鬱敷
萌以挺栽、傾柯遠擢、沉根下盤、繁莖篠密、豐幹
林攢、揮長枝以揚綠、披翠葉以吐丹、流暉俯散、
迴葩仰照、爛若百枝、並燃赫如烽燧、俱燎皦如
朝日、晃若籠燭、晞絳綵於扶桑、接朱光於若木、
爾乃頰萼挺蒂、金牙承蕤、蔭佳人之玄髻、發窈
窕之素姿、游女一顧、傾城無鹽、化爲南威、於是
天漢西流、辰角南傾、芳寔壘落、月滿虧虛、爰採
爰收、乃剖乃坼、內憐幽以含紫、外滴漈以霞赤、

柔膚冰潔凝光玉瑩、灌如冰碎、泣若珠迸、含清
泠之溫潤、信和神以理性、

玄武館賦

爾乃地勢夷敞、旣膏且腴、環以翠林、帶以赤渠、
尋厥先之攸基、實張氏之舊墟、何魏后之周覽、
遂築館而起廬、旣號玄武、是曰石樓、於是崇墉
四匝、豐厦詭譎、爛若丹霞、皎如素雪、璀璨皓旰
華璫四垂、接棟連阿、岬岬參差、朱戶青鋪、幽閨
秘閨、於是高樓特起、竦峙峩峩、飛薨四注、上繫

浮霄直亭亭以孤立、迎千里之清飈、陽扉南啓、
陰軒北達、春牖左開、秋窓右豁、仰眎雲根、俯臨
天末、木則楸梓夾路、蓊蔚如林、洪幹十圍、修之
百尋、闕

登北邙賦

陟巒邱之巉岔、升逶迤之修坂、廻余車於峻嶺、
聊送目於四遠、靈嶽鬱以造天、連崗一作巖以

蹇產、伊洛混而東流、帝居赫以崇顯、山川汨其
常方、萬物化而代轉、何天地之難窮、悼人生之

危、淺、歎、白、日、之、西、頽、矣、哀、世、路、之、多、蹇、於、是、徘徊、絕、嶺、踟、躕、步、趾、前、瞻、狼、山、却、闕、大、壑、東、眺、虎牢、西、睨、熊、耳、邪、亘、天、際、旁、極、萬、里、莽、眩、眼、以、茫昧、諒、羣、形、之、難、紀、臨、千、仞、而、俯、看、似、游、身、於、雲霓、撫、長、風、以、延、伫、想、凌、天、而、舉、翮、瞻、冠、蓋、之、一作以、悠悠、覩、商、旅、之、接、軀、爾、乃、地、勢、窅、隆、邱、墟、陂陁、墳、隴、嶺、壘、綦、布、星、羅、松、林、慘、映、以、攢、列、玄、木搜、寥、而、振、柯、壯、漢、氏、之、所、營、望、五、陵、之、鬼、弑、喪亂、起、而、啓、壤、一作僮、監、登、而、作、歌、敗、壤

...

...

...

...

...

...

...

...

...

銘

泰阿劍銘

泰阿之劍，世載

濟一作

其美，淬以清波，礪

欽一作

以

越砥，如玉斯曜，若影在水，不運自肅，率土從軌。

文身刀銘

寶刀既成，窮理盡妙，繁文波迴，流光電照。

把刀銘

奕奕名金，昆吾遺璞，裁爲把刀，利亞切玉，時文斯偃，含精內燭，威助雖化，武不可黷。

長鋏銘

五才竝建，金作明威。長鋏陸離，弭凶防違。素刃
霜厲，溢景橫飛。

短鋏銘

器用多品，詭制殊觀。亦有短鋏，清暉載爛。昔在
先朝，戢兵靜亂。惟皇寶之，優而弗玩。

露陌刀銘

露陌在服，威靈遠振。遵養時晦，曜德崇信。

手戟銘

鏌鏌雄戟，淬金鍊剛，名配越戟，用過干將，嚴鋒
勁秘，摘鐐耀芒，秘御覽
作校

張昇園集

卷全

五

元

七

七命

冲漠公子含華隱耀嘉遯龍蟠

文選作盤

超

文選作翫

世

高蹈遊心於浩然玩志乎衆妙絕景乎大荒之

遐阻吞響乎幽山之窮奧於是徇華大夫聞而

造焉乃整

善本作勅

雲輅驂飛黃越奔沙輾流霜凌

扶搖之風躡堅冰之津旌拂霄墀軌出蒼垠天

清泠而無霞野曠朗而無塵臨重岫而攬轡顧

石室而迴輪遂適冲漠公子之所居其居也崢

嶸幽藹、蕭瑟虛玄、溟海渾濩、涌其後、嶰谷岬嶠

張其前、尋竹疎莖、蔭其壑、百籟羣鳴、籠文選作輦其

山、衝飈發而廻日、飛礫起而麗一作灑非天、於是登

絕巘、遡長風、陳辨惑之辭、命公子於巖中曰、蓋

聞聖人不卷道而背時、智士不遺身而匿跡、生

必耀華名於玉牒、歿則勒洪伐於金冊、今公子

違世陸沈、避地獨窺、有生之權、滅資父之義、廢

愁洽、百年苦溢、千歲何異、促鱗之遊、汀湍短羽、

之棲、翳薈今將、榮子以天人之大寶、悅子以縱

性之至娛窮地而遊中天而居傾四海之歡殫
九州之腴鑽屈轂之瓠解疏屬之拘子欲之乎
公子曰大夫不遺來萃荒外雖在不敏敬聽佳
話

大夫曰寒山之桐出自太冥含黃鍾以吐榦據
蒼岑而孤生旣乃瓊巘嶒嶸金岸岬嶸左當風
谷右臨雲谿上無凌虛之巢下無跼實之蹊搖
別峻挺茗邈嶠文選嶠作茗晞三春之溢露遡九秋
之鳴飈雲一作霧雪寫其根霏霜一作雲封其條木

旣繁而後綠，草未素而先凋。於是構雲梯，陟崢

嶸，翦蕤賓之陽柯，剖大呂之陰莖。營匠斲其樸，

伶倫均其聲，器舉樂奏，促調高張。音朗號鐘，韻

清繞梁，追逸響於八風，承奇律於歸昌。啓中黃

之妙，文選少宮，發蓐收之變商。若乃龍火西頽，暄

氣初收，飛霜迎節，高風送秋。羈旅懷土之徒，流

宕百罹之儔，文選作疇撫促柱則酸鼻，揮危弦則涕

流。若乃追清哇，赴嚴節，奏綠一作淥水，吐白雪，激

楚廻流，風結悲蕙，焚之朝落，悼望舒之夕缺。煢

嫠爲之擗標，孀老爲之嗚咽。王子拂纓而傾耳，
六馬噓天而仰秣。此蓋音曲之至妙，子豈能從
我而聽之乎？公子曰：余病未能也。

大夫曰：蘭宮祕宇，彫堂綺櫳。雲屏爛汗，

一作肝

瓊

壁青蔥，應門八襲。旋臺九重，表以百常之闕。園

以萬雉之墉。爾乃曉榭迎風，秀出中天。翠觀岑

青，彤

文選作彫

閣霞連，長翼臨

一作陵非

雲飛，陞凌山盟

玉繩而結極，承倒景而開軒。蘋素炳煥，枌栢嵯
峨。陰蚪負擔，陽馬承阿。錯以瑤英，鑄以金華。方

疏含秀、圓井吐葩、重殿疊起、交綺對楸、幽堂晝
密、明室夜朗、焦螟飛而生風、尺蠖動而成響、若
乃目厭常玩、體倦帷幄、携公子而雙遊、時娛觀
於林麓、登翠阜、臨丹谷、華草錦繁、飛采星燭、陽
葉春青、陰條秋綠、華實代新、承意恣觀、一作仰
折神葩、俯採朝蘭、遡惠風於蘅薄、眷椒塗於瑤
壇、爾乃浮三翼、戲中沚、潛鯁駭、驚翰起、沈絲結
飛、矰理挂、歸翮於赤霄之表、出華鱗於紫潭、善本

作之裏、然後縱櫂、五臣隨風、弭楫乘波、吹孤竹、淵作

拊雲和淵

一作川

客唱淮南之曲、榜人奏采菱之

歌、歌曰、乘鳧

一作鷁

舟、今爲水嬉、臨芳洲、兮拔雲

芝、樂以忘戚、遊以卒時、窮夜爲日、畢歲爲期、此
蓋宴居之浩麗、子豈能從我而處之乎、公子曰
余病未能也、

大夫曰、若乃白商素節、月旣授衣、天凝地閉、風
厲霜飛、柔條夕勁、密葉晨稀、將因氣以效殺、臨
金郊而講師、爾乃列輕武、整戎剛、建雲髦、啓雄
芒、駕紅陽之飛鸞、驂唐公之驪驪、屯羽隊於外

林縱輕翼於中荒爾乃張脩畏布飛羅一作陵

黃岑挂青巒畫長壑以爲限帶流谿以爲關旣

乃內無䟽蹊外無漏績叩鉦數一作散校舉麾旌

獲殼金機馳鳴鏑剪剛豪落勁翮車一作連非騎競

驚駢武齊轍翕忽揮霍雲迴風剗聲動響飛形

移景發舉戈林竦揮鋒電滅仰傾雲巢俯殫地

穴乃有圓文之研善作班題之縱一作從鼓鬣風

生怒目電睞口齧霜刃足撥飛鋒飄林蹶石扣

拔幽叢於是飛黃奮銳賁育一作石逞伎蹙封豨

債

一作攢
疑訛

馮豕拉駢驪挫獬廌句爪摧鋸牙捩

瀾漫狼藉傾榛倒壑殞齒挂山僵踣掩澤數爲
毛林隰爲丹薄於是撤圍頓罔卷旆收鳶虞人
數獸林衡計鮮論最犒勤息馬韜弦肴駟連鑣
酒駕方軒千鍾電醕萬燧星繁陵阜霑流膏谿
谷厭芳烟歡極樂殫迴節而旋此亦畋遊之壯
觀子豈能從我而爲之乎公子曰余病未能也
大夫曰楚之陽劒歐冶所營邪谿之鋌赤山之
精銷踰羊頭鑢越鍛成乃鍊乃鑠萬辟千灌豐

隆奮椎、飛廉扇炭、神器化成、陽文陰縵、既乃善

本

無既乃

流綺星連、浮彩艷發、光如散電、質如耀

二字

雪、霜鋸水凝、冰刃露潔、形冠豪曹、名珍巨闕、指

鄭則三軍白首、麾晉則千里流血、豈徒水截蛟

龍、

一作鴻

陸灑奔駟、斷浮翮以爲工、絕重甲而稱

利云爾而已哉、若其靈寶、則舒辟無友、奇鋒異

模、形震薛燭、光駭風胡、價兼三鄉、聲貴二都、或

馳名傾秦、或夜飛去吳、是以功冠萬載、威曜無

窮、揮之者無前、擁之者身雄、可以從服九國、橫

制八戎、爪牙景附、函夏承風、此蓋希世之神兵。
子豈能從我而服之乎？公子曰：余病未能也。

大夫曰：天驥之駿，逸態超越，稟氣靈淵，受精皎
月，眸矚黑照，玄綵紺發，沫如揮紅，汗如振血。秦
青不能識其衆尺，方堙不能覩其若滅。爾乃巾
雲軒，踐朝霧，赴春衢，整秋御，蚪踊螭，騰麟超龍。
翥望山，載奔視林，載赴氣盛，怒發星飛，電駭志
陵九州，勢越四海，影不及形，塵不暇起，浮箭未
移，再踐千里，爾乃踰天垠，越地隔，過汗漫之所。

不遊躡章亥之所未跡陽鳥爲之頓羽夸父爲
之投策斯蓋天下之僞乘子豈能從我而御之
乎公子曰余病未能也

大夫曰大梁之黍瓊山之禾唐稷播其根農帝
嘗其華爾乃六禽殊珍四饌異肴窮海之錯極
陸之毛伊公爨鼎庖丁

一作子

揮刀味重九沸和

兼勺藥晨鳧露鵠霜鷄黃雀園按星亂方丈華
錯封熊之躡翰音之距鷺髀猩脣髦殘象白靈
淵之龜萊黃之鮐丹穴之鸚玄豹之胎燁以秋

橙、醑以春梅、接以商王之箸、承以帝辛之杯、范
公之鱗、出自九溪、頰尾丹鰓、紫翼青鬢、爾乃命
支離、飛霜鍰、紅肌綺散、素膚雪落、婁子之毫、文選

作豪

不能廁其細、秋蟬之翼、不足擬其薄、繁肴既

闕、亦有嘉

一作寒

羞、商山之果、漢皋之楸、

一作榛析

龍眼之房、剖椰子之殼、芳旨萬選、承意代奏、乃
有荆南烏程、豫北竹葉、浮蟻星沸、飛華萍接、玄
石嘗其味、儀氏進其法、傾囷一朝、可以流湏千
日、單醪投川、可使三軍告捷、斯人神之所歆羨、

張氏集 卷八 三
觀聽之所煒曄也。子豈能強起而御之乎。公子
曰。耽口爽之饌。甘腊毒之味。服腐腸之藥。御亡
國之器。雖子大夫之所榮。顧亦吾人之所畏。余
病未能也。

大夫曰。蓋有晉之融。皇風也。金華啓徵。大人有
作。繼明代照。配天光宅。其基德也。隆于姬公之
處岐。其垂仁也。富乎有殷之在亳。南箕之風。不
能暢其化。離畢之雲。無以豐其澤。皇道煥炳。一作
煥昭帝載緝熙。導氣以樂。宣德以詩。文選教清於

雲官之世政

一作治

穆乎鳥紀之時王猷四塞函

夏謚甯

一作靜

丹冥投烽青徼釋警却馬於糞車

之轅銘德於昆吳之鼎羣氓反素時文

一作人載

郁耕父推畔漁豎讓陸樵夫恥危冠之飾輿臺

笑短後之服六合時邕巍巍蕩蕩玄齡巷歌黃

髮擊壤解羲皇之繩措陶唐之象若乃華裔之

夷流荒之貊語不傳於輶軒地不被乎正朔莫

不駿奔稽顙委質重譯于時昆蛟感惠無思不

擾苑戲九尾之禽囿棲三足之鳥鳴鳳在林夥

於黃帝之園有龍游淵盈於孔甲之沼萬物烟
煴天地交泰義懷靡內化感無外林無被褐山
無韋帶皆象刻於百工兆發乎靈蔡縉紳濟濟
軒冕藹藹功與造化爭流德與二儀比大言未
終公子蹶然而興曰鄙夫固陋守茲文選作此狂狷

蓋理有毀之而爭寶之訟解言有怒之而齊王
之疾痊向子誘我以聾耳之樂棲我以蔀家之
屋田游馳蕩利刃駿足旣老氏之攸戒非吾人
之所欲故靡得而應子至聞皇風載驥時聖道

涓舉實爲秋、摘藻爲春、下有可封之人、一作上民

有大哉之君、余雖不敏、請尋一作從後塵、

100

詩

詩品云張協詩其源出於王粲文體華淨少病累又巧構形似之言雄于潘岳靡於太冲風流調達實曠代之高手詞采蔥蒨音韻鏗鏘使人味之亶亶不倦詩譜云逐句鍛鍊辭工製率

詠史

昔在西京時。朝野多歡娛。藹藹東都門。羣公祖
二疎。朱軒曜金城。供帳臨長衢。達人知止足。遺
榮忽如無。抽簪解朝衣。散髮歸海隅。行人爲隕
涕。賢哉此大文選夫。揮金樂當年。歲暮不留儲。

張氏隱集 卷之三
顧謂四座賓。多財爲累愚。清風激萬代。名與天壤俱。咄此蟬冕客。君紳宜見書。

雜詩

秋夜涼風起。清氣蕩暄濁。蜻蛚吟堦下。飛蛾拂明燭。君子從遠役。佳人守焚燭。獨離居幾何。時鑽燧忽改木。房櫳無行跡。庭草萋以綠。青苔依空牆。蜘蛛網四屋。感物多所懷。沈憂結心曲。

其二

大火流坤維。白日馳西陸。浮陽映翠林。迴飈扇

綠竹、飛雨、灑朝蘭、輕露、棲叢菊、龍蟄、暄氣、凝天、
高。萬。物。肅。弱、條不重結、芳蕤、豈再馥、人生、瀛海、
內、忽如鳥過目、川上之歎、逝前修、以自勗、

其三

金風、扇素節、丹霞、啓陰期、騰雲、似涌煙、密雨、如

散絲、寒花、發黃采、

一作彩

秋、草含綠、滋閒居、玩萬

物、離羣、戀

一作念

所思、案無蕭氏牘、庭無貢公棊。

高尚、遺王侯、道積、是成基、至人不嬰物、餘風足

染時

其四

朝霞迎白日、丹氣臨暘

一作湯

谷翳翳結繁雲森

森散雨足、輕風摧勁草、凝霜疎高木、密葉日夜
疎。叢林森如束、疇昔嘆時遲、晚節悲年促、歲暮
懷百憂、將從季主卜。

其五

昔我資章甫、聊以適諸越、行行入幽荒、歐

一作甌

駱從祝髮窮年非所用、此貨將安設、瓴甌夸璆
璠、魚目笑明月、不見郢中歌、能否居然別、陽春

無和者。巴人皆下節。流俗多昏迷。此理誰能察。
其六

朝登魯陽關。狹路峭且深。流澗萬餘丈。圍木數
千尋。咆虎響窮山。鳴鶴聒空林。淒風爲我嘯。百
籟坐自吟。感物多思情。在險易常心。竭來戒不
虞。挺轡越飛岑。王陽驅九折。周文走岑岑。經阻
貴勿遲。此理著來今。

其七

此鄉非吾地。此郭非吾城。驕旅無定心。翩翩如

懸旌出覩軍馬陣入聞鞞鼓聲常懼羽檄飛神
武一朝征長鋏鳴鞘中烽火列邊亭舍我衡門
衣更被縵胡纓疇昔懷微志帷幕竊所經何必
操干戈堂上有奇兵折衝樽俎間制勝在兩楹
巧遲不足稱拙速乃垂名

其八

述職投邊城羈束戎旅間下車如昨日望舒四
五圓借問此何時胡蝶飛南園流波戀舊浦行
雲思故山閩越衣文蛇胡馬願度燕風土

文選
作土

風安所習。由來有固然。

其九

結宇窮岡曲，耦耕幽藪陰。荒庭寂以閑，幽山一作

岫峭且深淒。風起東谷，有澔興南岑。雖無箕畢

期，膚寸自成霖。澤雉登壘，寒猿擁條吟。溪壑

無人跡，荒楚鬱蕭森。投來循岸垂，時聞樵採音。

重基可擬志，廻淵可比心。養真尚無爲，道勝貴

陸沈。游思竹素園，寄辭翰墨林。

其十

墨蜨躍重淵，商羊儻野庭。飛廉應南箕，豐隆迎

號屏。雲根臨八極，雨足灑四溟。霖漑過二旬，散

漫亞九齡。階下伏泉涌，堂上水衣生。洪潦浩方

割，人懷昏墊情。沈液漱陳根，綠葉腐秋莖。里無

曲突烟，路無行輪聲。環堵自頽毀，垣間不隱形。

尺燼重尋桂，紅粒貴瑤瓊。君子守固窮，在約不

爽貞。雖榮田方贈，慙爲溝壑名。取志於陵子，比

足

一作之

黔婁生

此首江淹雜擬所爲張黃門苦雨者也

雜詩

太昊啓東節春郊禮青祗鷹化日夜分雷動寒
暑離飛澤洗冬條浮飈解春澌采虹纓高雲文
虬鳴陰池冲氣扇九垓蒼生衍四垂時至萬寶
成化周天地移

遊仙

崢嶸玄圃深嵯峨天嶺峭亭館籠雲構脩梁流
三曜蘭葩葢嶺披清風緣隙嘯

三

三

三

三

三

三

三

吳

本傳

張協字景陽安平人也。少有雋才。與載齊名。辟公府掾。轉秘書郎。補華陰令。征北大將軍從事中郎。遷中書侍郎。轉河間內史。在郡清簡寡欲。于時天下已亂。所在寇盜。協遂棄絕人事。屏居草澤。守道不競。以屬詠自娛。擬諸文士作七命。文見永嘉初復徵爲黃門侍郎。託疾不就。終于本集。家。

國朝文粹

河成白集

題辭

一

劉

越

石

集

劉越石集題詞

晉劉司空集十卷在宋時已多缺誤
今日欲覩全書未可得也越石兄弟
與石崇賈謐友善金谷文詠秘書唱
和詩賦豈盡無傳顧廼奔走亂離僅
存書表想其當日執槩倚盾筆不得

止勁氣直辭迴薄霄漢推此志也屈
平沅湘荆卿易水其同聲耶晉元渡
江無心北伐越石再三上表辭雖勸
進義切復讐讀者苟有胸腹能無慷
慨以彼雄才結盟戎狄揚旌幽并身
死而復生國危而復安間患差跌不

病驅馳及同盟見疑命窮幽繫子諒
文儒坐觀其斃爲之君者孝非子胥
爲之友者仁非魯連慙慙贈詩送哀
而已夫漢賊不滅諸葛出師二聖未
還武穆鞠旅二臣忠貞表懸天壤上
下其間中有越石追鞭祖生投書盧

子英雄失援西狩興悲予嘗感中夜
荒雞月明清嘯抑覽是集彷彿其如
有聞乎

婁東張溥題

晉劉越石集目錄

表

上懷帝請糧表

上愍帝謝錄功表

上愍帝請北伐表

勸進元帝表

又

又

又

賤

與丞相賤

又

又

又

又

上太子賤

與丞相賤

又

又

答晉王睿牋

書

答太傅府書

又

答盧諶書

遺石勒書

又

與親故書

與兄子南兖州刺史演書

又

與兄弟書

書

與段匹磾書

盟文

與段匹磾盟文

誄

散騎常侍劉府君誄

詩

答盧諶八首

其一

其二

其三

其四

其五

其六

其七

其八

重贈盧湛

扶風歌

胡姬年十五

附錄

本傳

劉越石集目錄終

晉劉越石集卷全

晉 劉琨越石 著

明 張溥西銘 閱

表

上懷帝請糧表

臣以頑蔽志望有限因緣際會遂忝過任九月
未得發道險山峻胡寇塞路輒以少擊衆冒險
而進頓伏艱危辛苦備嘗卽日達壺口關臣自
涉州疆目覩困乏流移四散十不存二攜老扶

弱不絕於路。及其在者。鬻妻賣子。生相捐棄。死
亡委厄。白骨橫野。哀呼之聲。感傷和氣。羣胡數
萬。周匝四山。動足遇掠。開目覩寇。唯有壺關。可
得告糴。而此二道九州之險。數人當路。則百夫
不敢進。公私往反。沒喪者多。嬰守窮城。不得薪
采。耕牛旣盡。又乏田器。以臣愚短。當此至難。憂
如循環。不遑寢食。臣復思此州雖云邊朔。實邇
皇畿。南通河內。東連司冀。北捍殊俗。西禦強虜。
是勁弓良馬。勇士精騎之所出也。當須委輸。乃

全其命。今上尚書請此州穀五百萬斛、絹五百萬匹、綿五百萬斤、願陛下時出臣表、速見聽處。

上愍帝謝錄功表

陛下略臣大愆、錄臣小善、猥蒙天恩、光授殊寵、顯以蟬冕之榮、崇以上將之位、伏省詔書、五情飛越、臣聞晉文以郤穀爲元帥、而定霸功、高祖以韓信爲大將、而成王業、咸有敦詩說禮之德、戎昭果毅之威、故能振豐功於荆南、拓洪基於河北、况臣凡陋、擬蹤前哲、俯懼折鼎、慮在覆餗、

昔曹沫三北。而收功於柯盟。馮異垂翅。而奮翼於澠池。皆能因敗爲成。以功補過。陛下宥過之恩。已隆。而臣自新之善。不立。臣雖不逮。預聞前訓。恭讓之節。臣猶庶幾。所以冒承寵命者。實欲沒身報國。輒死自效。要以致命寇場。盡其臣節。至於寵榮之施。非言辭所謝。又謂者史蘭。殿中郎王春等。繼至奉詔。臣俯尋聖旨。伏紙飲淚。臣聞夷險流行。古今代有。靈厭皇德。曾未悔禍。蟻狄縱毒於神州。夷裔肆虐於上國。七廟闕禋。

祀之享。百官喪彝倫之序。梓宮淪辱。山陵未兆。率土永慕。思同考妣。陛下龍姿日茂。獻質彌光。升區宇於旣頽。崇社稷於已替。四海之內。肇有上下。九服之萌。復覩典制。伏惟陛下蒙塵于外。越在秦郊。蒸嘗之敬在心。桑梓之心未克。臣備位厯年。才質駑下。邱山之釁已彰。毫釐之效未著。湏以時宜。權假位號。竟無殪戎之績。而有負乘之累。當肆刑書。以明黜陟。是以臣前表上聞。敢緣愚款。乞奉先朝之班。苟存偏師之職。赦其

三敗之愆。收其一功之用。得騁志虜場。快意大
逆。雖身膏野草。無恨黃墟。陛下偏恩過隆。曲蒙
擢拔。遂授上將。位兼常伯。征討之務。得從事宜。
拜命驚惶。五情戰悸。懼於隕越。以爲朝羞。昔申
胥不徇伯舉。而成公壻之勳。伍員不從城父。而
濟入郢之庸。臣雖頑凶。無覲古人。其於披堅執
銳。致身寇讐。所謂天地之施。羣生莫謝。不勝受
恩至深。謹拜表陳聞。

上愍帝請北伐表

逆胡劉聰、敢率犬羊、馮陵輦轂、人神發憤、遐邇
奮怒、伏省詔書、相國南陽王保、太尉涼州刺史
軌、糾合二州、同恤王室、冠軍將軍乂、護軍將軍
綝、總齊六軍、戮力國難、王旅大捷、俘馘千計、旌
旗首於晉路、金鼓振於河曲、嶠函無虞、劉之驚
汧、隴有安業之慶、斯誠宗廟社稷、陛下神武之
所致、含氣之類、莫不引領、况臣之心、能無踴躍、
臣前表當與鮮卑猗盧尅今年三月都會平陽、
會匈奴石勒以三月三日徑掩薊城、大司馬博

陵公浚受其僞和、爲勒所虜、勒勢轉盛、欲來襲臣、城塢駭懼、志在自守、又猗盧國內、欲生奸謀、幸盧警慮、尋皆誅滅、遂使內北顧慮、用愆成舉、臣所以泣血宵吟、扼腕長歎者也、勒據襄國、與臣隔山、寇騎朝發、夕及臣城、同惡相求、其徒實繁、自東北八州、勒滅其七、先朝所授、存者唯臣、是以勒朝謀夕慮、以圖臣爲計、闕伺間隙、寇抄相尋、戎士不得解甲、百姓不得在野、天網雖張、靈澤未及、唯臣子然與寇爲伍、自守則稽聰之

謀進討則勒襲其後進退唯谷首尾狼狽徒懷
憤踴力不從願慚怖征營痛心疾首形留所在
神馳寇庭秋穀旣登胡馬已肥前鋒諸軍並有
至者臣當首啓戎行身先士卒臣與二虜勢不
並立聰勒不梟臣無歸志庶憑陛下威靈使微
意獲展然後隕首謝國沒而無恨

勸進元帝表

否泰之運古今迭有宗子有明德曷常不由多
難以隆中興故獫狁殘周以啓宣王巨猾竊漢

乃發光武。陛下天授至德。聰明神武。勞謙恭已。卑以自牧。體伯禽經營之誠。行公旦吐握之事。上崇勤王之義。下垂庇民之量。收羅俊乂。任賢以能。綏爰陝東。化流無外。戎狄荒服。請事率職。重譯納貢。不遠萬里。功高德邵。遐邇歸心。況陛下道邁大宗。勳莫與二。且以親以賢。義實兼之。是以現敢緣天文人事。徵祥之應。昧死上事。以奉尊號。願陛下無常心。以羣心爲心。忘其身。以萬物爲公。則宗廟蒸嘗。不替於今。逆虜遁寇。一

討而滅。無負於天下。無愧於七后矣。

又表

臣聞台宿在天。實承辰極。股肱雖卑。同體元首。臣負乘前朝。過克三吏。國之崇替。有與憂喜。臣聞德合兩儀者。固以四海爲公。智周萬物者。不以一身爲私。舜禹揖讓。以陟帝位。湯武征伐。以濟時難。彼四王者。遭會不同。登受有異。至夫外已存物。憂世遺躬。其致一也。期於愛民治國。應變合道。以爲天下利而已矣。况宗廟是陛下之

宗廟。百姓。是大晉之百姓。耶。陛下若忽七廟之
重。拒天人之心。絕而不繼。困而不拯。則宗廟不
歆其禋祀。羣生無所措其手足矣。况臣班具臣
之列。荷累世之恩。上懷國家之統。俯絕烏鳥之
情者哉。昔伍員發怒。手撻平王之墓。灌夫慷慨
身搥吳淠之旗。皆能宜其臣節。據其私忿。戮尸
斬將。存亡罔恨。臣誠無若人之才。實有此人。之
憤。苟得上。憑天威。展其微効。雖隕九泉。猶以明
白。

又表

陛下之躬執謙光。允恭克讓。俛從吏議。示總萬
機。而蕩曠之詔。開自新之路。海隅漸惠。朔南暨
聲。有生之倫。咸被嘉慶。陛下量包宇宙。明侔三
靈。祇稽應華。戎同戴。加以王室中微。邦基將
絕。遺民元元。屬命陛下。陛下以德則無所與讓。
言事固所負荷。誠宜遺小禮。存大務。援據圖錄。
居正宸極。上副祖宗之心。下一兆庶之望。臣聞
必也正名。前聖大之。春秋傳曰。名以出信。名苟

不正。則事有不從。信苟不立。則禮義或愆。乃載籍之明誠。開塞之所由也。

又表

臣聞天生蒸民。樹之以君。所以對越天地。司牧黎元。聖帝明王。鑒其若此。知天地不可以無饗。故屈其身以奉之。知黎元不可以無主。故不得已而臨之。社稷時難。則戚藩定其傾。郊廟或替。則宗哲纂其祀。所以弘振遐風。式固萬世。自元康已來。艱禍繁興。永嘉之際。氛厲彌昏。宸極失

御登遐醜裔國家之危有若綴旒天不悔禍犬
災薦臻國未亡難寇害尋興逆胡劉曜縱逸西
都主上幽劫復沉虜庭神器流離再尋荒逆臣
每覽史籍觀之前載厄運之極古今未有在食
土之毛含氣之類莫不叩心絕氣行號巷哭况
臣荷寵二世位厠鼎司承間震惶精爽飛越臣
聞昏明迭用否泰相濟天命無改厯數有歸或
多難以固邦國或隱憂以啓聖明是以齊有無
知之禍而小白爲五伯之長晉有驪姬之難而

重耳以主諸侯。陛下玄德通於神明。聖德合於
兩儀。應命世之期。紹千載之運。符瑞之表。天人
有徵。中興之肇。圖讖垂典。自京幾殞喪。九服崩
離。陛下撫甯江左。奄有舊吳。柔服以德。伐叛以
刑。抗明威以懾不類。杖大順以肅宇內。純化旣
敷。則率土宅心。義風旣暢。則遐方企踵。昔少康
之隆。夏訓以爲美談。宣王之興。周詩以爲休詠。
况茂勳格于皇天。清暉光于四海。蒼生顒然莫
不欣戴。聲教所加。願爲臣妾者哉。且宣皇之胤。

唯有陛下。億兆攸歸。曾無與二。天祚大晉。必將
有主。主晉祀者。非陛下而誰。是以邇無異言。遠
無異望。謳歌者無不吟咏。徽猷獄訟者無不思
于聖德。天地之際。旣交。華裔之情。允洽。一角之
獸。連理之木。以爲休徵者。蓋有百數。冠帶之倫。
要荒之衆。不謀而同辭者。動以萬計。是以臣等
敢考天地之心。因函夏之趣。昧死上尊號。願陛
下存舜禹至公之情。狹巢由矯抗之節。以社稷
爲務。不以小行爲先。以黔首爲憂。不以克讓爲

事。上以慰宗廟。乃顧之懷。下以釋普天傾首之
望。臣聞尊位不可久虛。萬機不可久曠。虛之一
日。則尊位以殆。曠之浹辰。則萬機以亂。陛下雖
欲逡巡。其若宗廟何其若百姓何。

牋

與丞相牋

不得進軍者。實困無食。殘民鳥散。擁髮徒跣。錄
召之日。皆披林而至。衣服藍縷。木弓一張。荆矢
十發。編草盛糧。不盈二日。夏則桑椹。冬則螢豆。
視此哀歎。使人氣索。恐孫吳韓白。猶或難之。况
以琨怯弱凡才。而當率此。以殄強寇。

又與丞相牋

昔車騎感猗鉞。救州之勳。表以代郡。封匱爲代。

公見聽時大駕在長安會值戎事道路不通竟未施行盧以封事見託琨實爲表上追述車騎前意卽蒙聽許遣兼謁者僕射拜盧賜印及符冊浚以此見責戎狄封華郡誠爲失禮然蓋以救弊耳亦猶浚先以遼西封務勿塵此禮之失浚實啓之浚遂與盧爭代郡舉爲所破紛錯之由始結於此雁門郡有五縣在陁北盧新并塵官國甚强盛從琨求陁北地以竝遣三萬餘家散在五縣間旣非所制又於琨殘弱之計得相

聚集未爲失宜。旣徙陜北五縣著陜南。盧因移頗。侵逼浚西陲。圍塞諸軍營。浚不復見。怨危弱而見罪責。

又

琨碩身竭辭。北和猗盧。遂引大衆躬啓戎行。卽具白太傅。切陳愚見。取賊之計。聰宜時討。勒不可縱。而宰相意異。所慮不同。更憂苟晞。馮嵩之徒。而稽二寇之誅。遣使節抑挫臣銳氣。臣卽解甲。遣虜衆歸國。

又

通鑑懷帝永嘉五年七月王浚立皇太子

浚設壇場有所建立稱皇太子

又

通鑑永嘉五年九月劉粲殺南陽王模

平昌以九月遇禍世子時鎮隴右故得無恙

上太子牋

太子爲秦王業卽愍帝
年七月高喬郝聿以晉陽降漢晉書劉
琨傳屬龐醇降于聰雁門烏丸復反
琨出禦之劉粲乘虛襲取晉陽

聰以七月十六日復決計送死。臣卽自東下。率中山常山之卒。竝合樂平上黨諸軍。未旋之間。而晉陽傾潰。

考異云十六國春秋亦云琨收兵常山本傳誤也

與丞相牋

建興元年琅邪王睿用郗鑒爲兖州
建興元年十一月壬寅朔與丞相箋

焦求雖出塞鄉。有文武胆幹。苟晞用爲陳留太守。獨在河南。距當石勒。撫綏有方。琨以求行貝。兖州刺史。後聞苟公以李述爲兖州。以素論門望。不可與求同日而論。至於胆幹。可以處危。權

一時之用。李述亦不能及求。而王立年少。便欲共討求。琨以求已。與立構隙。便召還。而州界民物。甚不安服。述二千石及文武大姓。連遣信使求刺史。是以遣兄子演代求。領兖州事。往年春正月。遣詣鄴。至是。斬王桑。走趙固。云云今勒據襄國。逼近鄴城。故今演轉南。演今住在廩邱。而李述郗鑒。並欲爭兖州。或云爲荀公所用。或云爲明公所用。大寇未殄。而自共尋干戈。此亦大潰也。輒勅演。謹自守而已。

又

傳長安消息主上是秦王

又

致裘一領亦達其情耳

答晉王睿牋

謹當躬自執佩馘截二虜

書

答太傅府書

懷帝 永嘉二年

僭遣使驛。離間其部落。淵遂怖懼。一大於南奔

蒲子。雜虜歸降。萬有餘落。

資治通鑑考異云。按時淵彊琨弱。豈因畏

琨而徙都蓋琨爲自大之辭史因承以爲實耳

一大有脫誤

又

聰彌一上黨。龐惇不能禦。

一上下有脫誤

安居走利。韓逼授書。封田之敗。黃肅不還。浹辰

之間。名將仍殄。

卽重遣江陶都尉張倚領上黨太守疾據襄垣
續遣鷹揚將軍趙擬梁余都尉李茂與倚并力
輕行衣襲賊捐棄輜車宵遁而退追尋討截獲
三分之一當聰彌之未走烏丸劉虎構爲變逆
西招白部遣使致任稱臣於淵殘州困弱內外
受敵輒背聰而討虎自四月八日攻圍

答盧諶書

琨頓首捐書及詩備辛酸之苦言暢經通之遠
旨執玩反覆不能釋手慨然以悲歡然以喜昔

在○少○壯○未○嘗○撿○括○遠○慕○老○莊○之○齊○物○近○嘉○阮○生○
之○放○曠○怪○厚○薄○何○從○而○生○哀○樂○何○繇○而○至○自○頃○
輒○張○困○於○逆○亂○國○破○家○亡○親○友○凋○殘○塊○然○獨○立○
則○哀○憤○兩○集○負○杖○行○吟○則○百○憂○俱○至○時○復○相○與○
舉○觴○對○膝○破○涕○爲○笑○排○終○身○之○積○慘○求○數○刻○之○
暫○歡○譬○繇○疾○疢○彌○年○而○欲○一○丸○銷○之○其○可○得○乎○
夫○才○生○於○世○世○實○須○才○和○氏○之○璧○焉○得○獨○曜○於○
郢○握○夜○光○之○珠○何○得○專○玩○於○隋○掌○天○下○之○寶○固○
當○與○天○下○共○之○但○分○拆○之○日○不○能○不○悵○恨○耳○然○

後○知○聘○周○之○爲○虛○誕○嗣○宗○之○爲○妄○作○也○昔○騷○驥○
倚○輶○於○吳○阪○鳴○於○良○樂○知○與○不○知○也○百○里○奚○愚○
於○虞○而○智○於○秦○遇○與○不○遇○也○今○君○遇○之○已○勗○之○
而○已○不○復○屬○意○於○文○二○十○餘○年○矣○久○廢○則○無○次○
想○必○欲○其○一○反○故○稱○指○送○一○篇○適○足○以○彰○來○詩○
之○益○美○耳○琨○頓○首○頓○首○

遺石勒書

初勒被鬻平原與母王相失及劉聰署
勒領并州刺史幽州牧琨遣張儒送母
于勒遺勒書勒報書遺琨名馬
珍寶厚賓其使謝歸以絕之

將軍發跡河朔、席捲充豫、飲馬江淮、折衝漢沔、
雖自古名將、未足爲喻、所以攻城而不有其人、
略地而不有其土、翕爾雲合、忽復星散、將軍豈
知其然哉、存亡決在得主、成敗要在所附、得主
則爲義兵、附逆則爲賊衆、義兵雖敗而功業必
成、賊衆雖尅而終歸殄滅、昔赤眉黃巾橫逸宇
宙、所以一旦敗亡者、正以兵出無名、聚而爲亂、
將軍以天挺之質、威振宇內、擇有德而推崇、隨
時望而歸之、勳義堂堂、長享遐貴、背聰則禍除、

向主則福至。採納往誨。翻然改圖。天下不足定。
螳寇不足掃。今相授侍中。持節車騎大將軍。領
護匈奴中郎將。襄城郡公。摠內外之任。兼華夷
之號。顯封大郡。以表殊能。將軍其受之。副遠近
之望也。自古以來。誠無戎人以爲帝王者。至於
名臣建基業者。則有之矣。今之遲想。蓋以天下
大亂。當須雄才。遙聞將軍攻城野戰。合於機神。
雖不視兵書。闇與孫吳同契。所謂生而知之者。
上學而知之者。次但得精騎五千。以將軍之才。

何向不摧。至心實事，皆張儒所具。

同前

將軍誕稟雄姿，勇略自然。大呼於紛擾之中，奮臂於駭亂之際。發跡河朔，席卷兖豫。飲馬江沔，折衝淮漢。自古名將，未足爲喻。所以攻城而不有其民，略地而不有其土。聚徒百萬，而莫爲已用。翕爾雲合，忽復星散。周流天下，而無容足之地。百戰百勝，而無尺寸之功。將軍豈知然乎？存亡決在得主，成敗要在所附。得主則爲義兵，附

逆則爲賊衆。義兵雖敗。而功業必成。賊衆雖尅。而終殄滅者也。赤眉盛於東海。黃巾連帶三州。張昌李辰僭逆荆豫。或擁衆百萬。橫逆宇內。所以一旦敗亡。正以兵出無名。聚而爲亂。劉聰父子。戎狄凡十。乘釁肆毒。寇虐人神。煞父害弟。偷竊位號。自古及今。豈有聰比。而可以正天下者乎。况將軍明鑒灼然。所宜懸了者也。况附聰之弊。漸以彰著。資財不爲已用。名位不可得守。有若晨霜秋露。雰雰之氣。雖朝凝而夕消。暫見而

尋沒也。今將軍附賊而望爲民主，不亦難乎。

與親故書

吾枕戈待旦，志梟逆虜，常恐祖生先吾著鞭耳。

與兄子南兖州刺史演書

演字始仁，琨兄左長史輿之子，爲都督，後將軍被害。

前得安州乾薑一斤、桂一斤、黃芩一斤，皆所須也。吾體中潰悶，常仰真茶，汝可信信置之。

又

前得安州乾茶二斤、薑一斤、桂一斤，皆所須也。

吾體中煩悶、恆假真茶、汝可信信致之、

與兄弟書

單于便欲得碧、汝不可不檢送

書

膽識堅定、臨難無苟免之意、

與段匹磾書

與公同盟、志獎王室、仰憑威力、庶雪國家之恥、
若兒書密達、亦終不以一子之故、負公忘義也。

盟文

與段匹碑盟文

天不靜晉。難集上邦。四方豪傑。是焉扇動。乃憑陵于諸夏。俾天子播越震蕩。罔有攸底。二虜交侵。區夏將泯。神人乏主。蒼生無歸。百罹備臻。死喪相枕。肌膚潤于鋒鏑。骸骨曝於草莽。千里無烟火之廬。列城有兵曠之邑。茲所以痛心疾首。仰訴皇窮者也。臣琨蒙國寵靈。叨竊台岳。臣碑世效忠節。忝荷公輔。大懼醜類。猾夏王旅。殞首

喪元。盡其臣禮。古先哲王。貽厥後訓。所以翼戴天子。敦序同好者。莫不臨之以神明。結之以盟誓。故齊桓會於邵陵。而羣后如恭。晉文盟於踐土。而諸侯茲順。加臣等介在遐鄙。而與主相去迫遼。是以敢干先典。刑牲歃血。自今日旣盟之後。皆盡忠竭節。以剪夷二寇。有加難於碑。琨必救。加難於琨。碑亦如之。繾綣齊契。披布胸懷。書功金石。藏於王府。有渝此盟。亡其宗族。俾墜軍旅。無其遺育。

誄

散騎常侍劉府君誄

爰自上葉，帝堯之肩堂。堂堂漢祖，豁豁高韻。茂載
孝景，克紹前訓。穆矣靖王，開國作鎮。惟祖惟父，
乃光有晉。積行累仁，世篤忠順。是用感和，誕育
奇儁。淑質英挺，金聲玉振。嗟乎君侯，仍寢斯疾。
命不可延，中卒殞卒。衝飈摧華，閭風彫實。如可
贖兮，人百其質。存若燭龍，銜曜沒若庭燎。俱滅
摛紳頽範，於高模。邦國彌悴，於隕哲。

世宗皇帝於高麗國開闢新教國

高麗國有古史記在古史記中載有古史記

今不取古史記中載有古史記中載有古史記

古史記中載有古史記中載有古史記中載有古史記

古史記中載有古史記中載有古史記中載有古史記

古史記中載有古史記中載有古史記中載有古史記

古史記中載有古史記中載有古史記中載有古史記

古史記中載有古史記中載有古史記中載有古史記

古史記中載有古史記中載有古史記中載有古史記

詩

答盧諶八首

其一

厄運初遘、陽爻在六、乾象棟傾、坤儀舟覆、橫厲
糾紛、羣妖競逐、火燎神州、共流華域、彼忝離離
彼稷育育、哀我皇晉、痛心在目、

其二

天地無心、萬物同塗、禍淫莫驗、福善則虛、逆有
全邑、義無完都、英蘂夏落、毒竹冬敷、如彼龜玉

韞櫝毀諸芻狗之談其最得乎

其三

咨余軟弱弗克負荷愆釁仍彰榮寵屢加威之不建禍延凶播忠隕于國孝愆于家斯罪之積如彼山河斯釁之深終莫能磨

其四

郁穆舊姻嫺婉新婚不慮其敗唯義是敦裏糧

攜弱匍匐星奔未輟爾駕已隳

五臣作墮

我門二族

偕覆三孽竝根長慚舊孤永負冤魂

其五

亭亭孤榦，獨生無伴。綠葉繁縷，柔條修罕。朝採
爾實，夕將爾竿。竿翠豐茸，逸珠盈椀。實消我憂，
憂急用緩。逝將去矣，庭虛情滿。

其六

虛滿伊何，蘭桂移植。茂彼春林，瘁此秋棘。有鳥
翻飛，不遑休息。匪桐不棲，匪竹不食。永戢東羽，
翰撫西翼。我之敬之，廢歡輟職。

其七

音以賞奏。味以殊珍。文以明言。言以暢神。之子
之往。四美不臻。澄醪覆觴。絲竹生塵。素卷莫啓。
幄無談賓。旣孤我德。又闕我鄰。

其八

光光段生。出幽遷喬。資忠履信。武烈文昭。旌弓
駢駢。輿馬翹翹。乃奮長縻。是轡是鑣。何以贈子。
竭心公朝。何以敘懷。引領長謠。

重答盧諶

握中有立璧。本自荆山璆。惟彼太公望。昔在渭

與鄧生何感激千里來相求白登幸曲逆句音

遇

鴻門賴留侯重耳任五賢小白相射鉤苟能

隆二伯安問黨與讐中夜撫枕歎相與數子游

吾衰久矣夫何其不夢周誰云聖達節知命故

不憂宣尼悲獲麟西狩涕孔邱功業未及見夕

陽忽西流時哉不我與去乎若雲浮朱實隕勁

風繁英落素秋狹路傾華一作車蓋駭駟摧雙輶

何意百鍊鋼化為繞指柔

扶風歌

朝發廣莫門。暮宿丹水山。左手彎繁弱。右手揮
龍淵。顧瞻望宮闕。俯仰御飛軒。據鞍長歎息。淚
下如流泉。繫馬長松下。發鞍高岳頭。烈烈悲風
起。泠泠澗水流。揮手長相謝。哽咽不能下。浮雲
爲我結。歸五臣作飛鳥爲我旋。去家日已遠。安知存
與亡。慷慨窮林中。抱膝獨摧藏。麋鹿遊我前。猿
猴戲我側。資糧旣乏盡。薇蕨安可食。攬轡命徒
侶。吟嘯絕巖中。君子道微矣。夫子故一作固有窮
惟昔李騫期。寄在匈奴庭。忠信反獲罪。漢武不

見明。我欲竟此曲。此曲悲且長。棄置勿重陳。重陳令心傷。

胡姬年十五

虹梁照曉日，淥水泛香蓮。如何十五少，含笑酒壚前。花將面自許，人共影相憐。回頭堪百萬，價重爲時年。

本傳

劉琨字越石中山魏昌人漢中山靜王勝之後也祖邁有經國之才爲相國參軍散騎常侍父蕃清高冲儉位至光祿大夫琨少得儁朗之目與范陽祖納俱以雄豪著名年二十六爲司隸從事時征虜將軍石崇河南金谷澗中有別廬冠絕時輩引致賓客日以賦詩琨預其間文詠頗爲當時所許秘書監賈謐參管朝政京師人士無不傾心石崇歐陽建陸機陸雲之徒並以

文章降節事謚琨兄弟亦在其間號曰二十四友太尉高密王泰辟爲掾頻遷著作郎太學博士尚書郎趙王倫執政以琨爲記室督轉從事中郎倫子羣卽琨姊壻也故琨父子兄弟竝爲倫所委任及篡羣爲皇太子琨爲羣詹事三王之討倫也以琨爲冠軍假節與孫秀子會率宿衛兵三萬距成都王穎戰于黃橋琨大敗而還焚河橋以自固及齊王冏輔政以其父兄皆有當世之望故特宥之拜兄與爲中書郎琨爲尚

書左丞、轉司徒左長史。問敗，范陽王虓鎮許昌，引爲司馬。及惠帝幸長安，東海王越謀迎大駕，以琨父蕃爲淮北護軍、豫州刺史。劉喬攻范陽，王虓於許昌也。琨與汝南太守杜育等率兵救之，未至而虓敗。琨與虓俱奔河北。琨之父母遂爲劉喬所執。琨乃說冀州刺史溫羨，使讓位於虓。及虓領冀州，遣琨詣幽州，乞師於王浚，得突騎八百人，與虓濟河，共破東平王楨於廩丘。南走劉喬，始得其父母。又斬石超，降呂朗，因統諸。

軍奉迎大駕於長安以勳封廣武侯邑二千戶

永嘉元年爲并州刺史加振威將軍領匈奴中

郎將琨在路表

文見本集

朝廷許之時東嬴公騰

自晉陽鎮鄴并土飢荒百姓隨騰南下餘戶不

滿二萬寇賊縱橫道路斷塞琨募得千餘人轉

鬪至晉陽府寺焚毀僵尸蔽地其有存者飢羸

無復人色荆棘成林豺狼滿道琨剪除荆棘收

塋枯骨造府朝建市獄寇盜互來掩襲恆以城

門爲戰場百姓負楯以耕屬鞬而擗琨撫循勞

來甚得物情。劉元海時在離石，相去三百許里。琨密遣離間其部，雜虜降者萬餘。元海甚懼，遂城蒲子而居之。在官未朞，流人稍復雞犬之音。復相接矣。琨父蕃自洛赴之，人士奔迸者多歸於琨。琨善於懷撫而短於控御，一日之中，雖歸者數千去者亦以相繼。然素奢豪，嗜聲色，雖暫自矯勵而輒復縱逸。河南徐潤者，以音律自通，遊於貴勢，琨甚愛之，署爲晉陽令。潤恃寵驕恣，干預琨政，奮威護軍，令狐盛性亢直，數以此爲

諫并諫琨除潤琨不納。初單于猗㐁以救東羸。公騰之功。琨表其弟猗盧爲代郡公。與劉希合衆於中山。王浚以琨侵已之地。數來擊琨。琨不能抗。由是聲實稍損。徐潤又譖令狐盛於琨曰。盛將勸公稱帝矣。琨不之察。便殺之。琨母曰。汝不能弘經略。駕豪傑。專欲除勝已。以自安。當何以得濟。如是禍必及我。不從。盛子泥奔于劉聰。具言虛實。聰大喜。以泥爲鄉導。屬上黨太守龐醕降于聰。雁門烏丸復反。琨親率精兵出禦之。

琨遣子粲及令狐泥乘虛襲晉陽。太原太守高
喬以郡降琨。父母並遇害。琨引猗盧并力攻
粲。大敗之。死者十五六。琨乘勝追之。更不能尅。
猗盧以爲聰未可滅。遺琨牛羊車馬而去。留其
將箕澹段繁等戍晉陽。琨志在復讐。而屈於力
弱。泣血尸立。撫慰傷痍。移居陽邑城。以招集亡
散。愍帝卽位。拜大將軍都督并州諸軍事。加散
騎常侍假節。琨上疏謝。見本集及麴允敗。劉曜斬
趙冉。琨又上表。見本集三年。帝遣兼大鴻臚趙廉

持節拜琨爲司空都督并薊幽三州諸軍事琨
上表讓司空受都督尅期與猗盧討劉聰尋猗
盧父子相圖盧及兄子根皆病死部落四散琨
子遵先質於盧衆皆附之及是遵與箕澹等帥
盧衆三萬人馬牛羊十萬悉來歸琨琨由是復
振率數百騎自平城撫納之屬石勒攻樂平太
守韓據請救於琨而琨自以士衆新合欲因其
銳以威勦箕澹諫曰此雖晉人久在荒裔未習
恩信難以法御今內收鮮卑之餘穀外抄殘胡

之牛羊。且閉關守險。務農息士。旣服化感。義然後用之。則功可立也。琨不從。悉發其衆。命澹領步騎二萬爲前驅。琨自爲後繼。勒先據險要。設伏以擊澹。大敗之。一軍皆沒。并土震駭。尋又炎旱。琨窮蹙。不能復守。幽州刺史鮮卑段匹磾數遣信要琨。欲與同獎王室。琨繇是率衆赴之。從飛狐入薊。匹磾見之。甚相崇重。與琨結婚。約爲兄弟。是時西都不守。元帝稱制江左。琨乃令長史溫嶠勸進。於是河朔征鎮夷夏一百八十人。

連名上表。語在元紀。令報曰。豺狼肆毒。薦覆社稷。億兆顛顛。延首罔繫。是以居于王位。以答天下。庶以尅復聖主。掃蕩讐恥。豈可猥當隆極。此孤之至誠。著於遐邇者也。公受奕世之寵。極人臣之位。忠孝義誠。精感天地。實賴遠謀。共濟艱難。南北迥邈。同契一致。萬里之外。心存咫尺。公其撫宣華戎。致罰醜類。動靜以聞。建武元年。琨與匹磾期討石勒。匹磾推琨爲大都督。啼血載書。檄諸方守。俱集襄國。琨匹磾進屯固安。以俟。

衆軍匹磾從弟末波納勒厚賄獨不進乃沮其計、琨匹磾以勢弱而退、是歲元帝轉琨爲侍中太尉、餘如故、并贈名刀。琨以賤答。見本集匹磾奔其兄喪、琨遣世子羣送之、而末波率衆要擊匹磾而敗走之、羣爲末波所得。末波厚禮之、許以琨爲幽州刺史、共結盟而襲匹磾、密遣使齎羣書、請琨爲內應、而爲匹磾還騎所得、時琨別屯故征北府小城、不之知也、因來見匹磾、匹磾以羣書示琨曰、意亦不疑公、是以白公耳、琨曰、與

公同盟。志獎王室。仰憑威力。庶雪國家之恥。若
兒書密達。亦終不以一子之故。負公忘義也。匹
碑雅重琨。初無害琨志。將聽還屯。其中弟叔軍
好學者。有智謀。爲匹碑所信。謂匹碑曰。吾胡夷
耳。所以能服晉人者。畏吾衆也。今我骨肉構禍。
是其良圖之日。若有奉琨以起。吾族盡矣。匹碑
遂畱琨。琨之庶長子。遵懼誅。與琨左長史楊橋
并州治中如綏。閉門自守。匹碑諭之不得。因縱
兵攻之。琨將龍季猛迫於乏食。遂斬橋。綏而降。

初琨之去晉陽也。慮及危亡。而大恥不雪。亦知夷狄難以義伏。冀輸寫至誠。僥倖萬一。每見將佐發言。慷慨悲其道窮。欲率部曲死於賊壘。斯謀未果。竟爲匹磾所拘。自知必死。神色怡如也。

爲五言詩贈其別駕盧諶。

見本傳

琨詩託意非常。

攄暢幽憤。遠想張陳。感鴻門白登之事。用以激

諶。諶素無奇略。以常詞酬和。殊乖琨心。重以詩贈之。乃謂琨曰。前篇帝王大志。非人臣所言矣。然琨旣忠於晉室。素有重望。被拘經月。遠近憤

歎匹磾所署代郡太守辟閭嵩與琨所署雁門太守王據後將軍韓據連謀密作攻具欲以襲匹磾而韓據女爲匹磾兒妾聞其謀而告之匹磾於是執王據辟閭嵩及其徒黨悉誅之會王敦密使匹磾殺琨匹磾又懼衆反已遂稱有詔收琨初琨聞敦使至謂其子曰處仲使來而不我告是殺我也死生有命但恨讐不雪無以下見二親耳因歔歔不能自勝匹磾遂縊之時年四十八子姪四人俱被害朝廷以匹磾尚強當

爲國討石勒。不舉琨哀。三年琨故從事中郎盧

諶崔悅等上表理琨。

文見盧諶集

太子中庶子溫嶠

又上疏理之。帝乃下詔曰。故太尉廣武侯劉琨

忠亮開濟。乃誠王家。不幸遭難。志節不遂。朕甚

悼之。往以戎事未加弔祭。其下幽州。使依舊弔

祭。贈侍中太尉。諡曰愍。琨少負志氣。有縱橫之

才。善交勝已。而願浮誇。與范陽祖逖爲友。聞逖

被用。與新故書。

見本集

在晉陽。嘗爲胡騎所圍。數

重。城中窘迫無計。琨乃乘月登樓清嘯。賊聞之

皆淒然長歎。中夜奏胡笳。賊又流涕歔歔。有懷
土之切。向曉復吹之。賊並棄圍而走。子羣嗣。

劉越石集終

